

欽定新疆識略

ル 5  
1512  
5



1512  
51



欽定新疆識畧卷四

伊犁輿圖

伊犁之地在漢及魏爲烏孫在唐爲西突厥在明爲瓦剌卽衛拉特之訛衛拉特凡四而綽羅斯部居首是爲準噶爾乾隆二十二年平準噶爾定伊犁其地統轄新疆爲天山南北總會之區自北而西與哈薩克接界自西而南與布魯特接界東與烏魯木齊所屬精河接界東北與塔爾巴哈台所屬阿魯沁達蘭卡倫接界南與阿克蘇所屬噶克察哈爾海臺接界東西一千五百餘里南北一千

一百餘里木蘇爾峙其陽塔勒奇障其陰左以額  
林哈必爾罕爲門戶右以善塔斯爲藩籬而伊犁  
河橫亘其中河之北列城九爲將軍官兵分駐之  
所有游牧二河之南爲錫伯厄魯特駐劄游牧之  
所地處極邊形勝四塞緬維乾隆年間初經平定  
高宗純皇帝軫念邊陲尤殷耕牧恭讀

聖製集有二麥大熟

詩伊犁大熟

詩伊犁客民願入屯田戶籍

詩伊犁各城戶口耕牧情形

詩伊犁馬牛羊

詩蓋始則犁庭掃穴繼則浹髓淪肌

仁宗睿皇帝御宇以來

恩威光被加以

澄清吏治


綏撫外夷邊地又安年豐人樂以現今戶口計之惠遠城

滿營二萬二千六百餘口惠寧城滿營一萬三千

三百四十餘口錫伯營九千二百餘口索倫營四

千五百餘口察哈爾營一萬一千七百餘口額魯

特營二萬六千三百餘口沙畢納爾營九千三百



餘口綠營一萬零七百餘口回子三萬四千三百  
 餘口而戶民之來往無常者不與焉較底定之初  
 不啻倍蓰則夫宣

朝廷德意敷保惠之休以飭懋和之治者惟邊帥之責  
 矣謹繪伊犁總圖又為分圖四首東北次東南次  
 西南次西北其城池廨署山川壇廟祠宇軍臺河  
 渡隄堰以類附焉

伊犁總圖



卷四


三

朝廷德意敷保惠之休以飭懋和之治者惟邊帥之責  
 矣謹繪伊犁總圖又為分圖四首東北次東南次  
 西南次西北其城池廨署山川壇廟祠宇軍臺河  
 渡隄堰以類附焉



伊犁東北境輿



總圖



伊犁東北境輿圖




伊犁東南



卷四

五

圖






伊犁東南境輿圖



卷四 五



伊犁西南境



境興圖



伊犁西南境輿圖

阿蘇克界 伊犁西



卷四


六

卷四

五




伊犁西北境



巴勒喀什淖爾

輿圖

阿蘇克界




### 伊犁西北境輿圖




卷四 七

卷四

六



輿圖



卷四

十

伊犁

城池廨署

惠遠城乾隆二十八年將軍明瑞

奏建在伊犁河北岸高一丈四尺周一千六百七十  
 四丈共九里三分門四東景仁西說澤南宣閣北  
 來安中建鼓樓一座嗣於五十八年將軍保寧以  
 創建惠遠城已三十餘載戶口繁多原立房間不  
 敷居住

奏明於城東展築二百四十丈共一里三分三釐有  
 零統計新舊城共十里六分三釐有零

城內滿營駐劄

將軍衙署一所  
叅贊大臣衙署一所  
各營領隊大臣衙署四所  
惠寧城領隊大臣公署一所  
綠營總兵公署一所  
營務印房糧餉駝馬功過處公署五所  
滿營檔房一所  
八旗協領衙署八所  
佐領防禦驍騎校衙署共一百二十所  
各佐領磨房四十所

八旗官馬圈八所  
理事同知衙署一所  
撫民同知衙署一所  
倉員衙署一所  
巡檢衙署一所  
清書學八所乾隆三十一年將軍明瑞以八旗隨  
營子弟不能家自爲學每旗各設清書學房一所  
每學房教習二人分司教書教弓學生無定額派  
滿營官管理年終派員考課  
義學一所乾隆三十四年將軍伊勒圖

奏明兩滿營特設義學一所派協領等官管理滿洲  
蒙古漢字教習各一人官學生各三十名按年考  
拔如果啟迪有方該教習於薪水外賞給鹽菜其  
學生分別等次月給紙筆銀兩該管官紀錄一次  
其蒙古教習專教托忒字  
敬業官學一所嘉慶七年將軍松筠以八旗子弟  
能讀書者甚多因於旗學義學及八旗間散童蒙  
中挑取聰慧者入敬業學肄業於旗下及廢員中  
選派滿漢教習分司教讀並宣講

聖諭廣訓每月給教習薪水費學生紙筆銀兩派滿營協

領等官管理

俄羅斯學一所乾隆五十七年將軍保寧以伊犁  
無通曉俄羅斯語之人

奏請於京城俄羅斯館內選派一人來伊犁教習官  
兵子弟十數人又

奏定五年期滿考試學生擇其優者將試卷咨送軍  
機處磨勘具奏一等第一者准充本處筆帖式遇  
缺坐補每年秋季仍派官考試如有成效將該管  
官報部給與紀錄一次教習等賞給一月鹽菜  
寶伊錢局一所



倉庫一所

軍器庫一所

軍器局一所乾隆三十三年惠遠城設立撒袋弓箭鞍靴鐵造等局五十五年署將軍永保

奏准將撒袋弓箭等局合爲一局派協領等官董理於各營選擇善於工作人等修造售賣

東門外教場一所

火藥局一所

養濟院一所

西門外貿易廳一所

北關汛守備公署一所

惠寧城乾隆三十一年將軍明瑞

奏建在惠遠城東北七十里地名巴彥岱距綏定城九十里距廣仁城一百五十里距瞻德城一百二十里距拱宸城一百八十里距熙春城十里距塔勒奇城一百里距寧遠城二十里高一丈四尺周六里三分門四東昌彙西北豐南遵軌北承樞城東垣內外屢出水泉城垣兵房多有傾圮嘉慶十年將軍松筠

奏明向西移築將南東北三面水泉鹹灘潮濕之地

隔出舊有傾圮城牆四百六十丈全行拆去南北  
 兩面舊有堅固城牆各一百八十七丈及南北城  
 門仍舊黏修如故東面接築三百丈又折平舊城  
 西面牆三百丈南北接舊有堅固城牆向西各接  
 築一百九十五丈新築西南三百丈通共新築九  
 百九十丈統計原留南北兩段舊有城牆通長一  
 千三百六十四丈並於南北偏西添建城門二  
 欽頒城名西北曰綏成西南曰協阜城內滿營駐劄  
 領隊大臣衙署一所  
 協領衙署四所

佐領防禦驍騎校衙署四十八所

滿營檔房一所

各佐領磨房十六所

八旗官馬圈四所

糧員衙署一所

巡檢衙署一所

清書學八所

義學一所

倉廩一所

軍器庫一所

城西北教場一所

綏定城乾隆二十七年將軍阿桂

奏建在惠遠城西北三十里地名烏哈爾里克距惠

寧城九十里距廣仁城六十里距瞻德城四十里

距拱宸城九十里距熙春城一百里距塔勒奇城

十里距寧遠城一百二十里城高一丈七尺周四

里三分門三東仁熙西義集南利渠

屯鎮左營駐劄

總兵衙署一所

遊擊衙署一所

守備衙署一所

千把外委衙署一十八所

糧員衙署一所

巡檢衙署一所

倉廩一所

軍器庫一所

南門外教場一所

廣仁城乾隆四十五年將軍伊勒圖

奏建在惠遠城西北九十里地名烏克爾博羅素克

距惠寧城一百五十里距綏定城六十里距瞻德

城二十里距拱宸城九十里距熙春城一百六十

里距塔勒奇城五十里距寧遠城一百七十里城

高一丈三尺周三里六分門三東朗輝西迎灝南

溥惠屯鎮左營駐劄

遊擊衙署一所

守備衙署一所

千把外委衙署一十八所

本營倉廩一所

軍器庫一所

瞻德城乾隆四十五年將軍伊勒圖

奏建在惠遠城西北七十里地名察罕烏蘇距惠寧

城一百二十里距綏定城四十里距廣仁城二十

里距拱宸城七十里距熙春城一百三十里距塔

勒奇城三十里距寧遠城一百四十里城高一丈

三尺周三里六分門三東升瀛西履平南延景屯鎮

右營駐劄

都司衙署一所

守備衙署一所

千把外委衙署一十八所

本營倉廩一所

軍器庫一所

拱宸城乾隆四十五年將軍伊勒圖

奏建在惠遠城西北一百二十里地名霍爾果斯距  
 惠寧城一百八十里距綏定城九十里距廣仁城  
 九十里距瞻德城七十里距熙春城一百九十里  
 距塔勒奇城八十里距寧遠城二百里城高一丈  
 七尺周三里七分門三東寅暉西遵樂南綏定  
屯鎮  
參將  
駐劄  
 參將衙署一所  
 守備衙署一所  
 千把外委衙署一十八所

巡檢衙署一所

本營倉廩一所

軍器庫一所

熙春城乾隆四十五年將軍伊勒圖

奏建在惠遠城東南八十里地名哈喇布拉克距惠  
 寧城十里距綏定城一百里距廣仁城一百六十  
 里距瞻德城一百三十里距拱宸城一百九十里  
 距塔勒奇城一百一十里距寧遠城十里城高一  
 丈周二里二分門三東觀恩西凝爽南歸極  
屯鎮  
都司  
駐劄

都司衙署一所

千把外委衙署九所

本營倉廩一所

軍器庫一所

塔勒奇城乾隆二十六年辦事大臣阿桂

奏建在惠遠城西北三十里地名塔勒奇距惠寧城

一百里距綏定城十里距廣仁城五十里距瞻德

城三十里距拱宸城八十里距熙春城一百一十

里距寧遠城一百二十里城高一丈周一里五分

六釐無城名亦無門名嘉慶七年於城北面兵丁

自行展築四十丈添蓋房間用資棲止屯鎮守備駐劄

守備衙署一所

千把外委衙署六所

糧員衙署一所

倉廩一所

軍器庫一所

寧遠城乾隆二十七年將軍阿桂

奏建在惠遠城東南九十里地名固勒札距惠寧城

二十里距綏定城一百二十里距廣仁城一百七

十里距瞻德城一百四十里距拱宸城二百里距

熙春城十里距塔勒奇城一百二十里城高一丈

六尺周四里七分門四東景旭西環瀛南嘉會北

歸極回子駐劄

碑亭一座在城外東北隅半里許高阜上恭勒

高宗純皇帝聖製平定準噶爾勒銘伊犁碑文一通又

聖製平定準噶爾後勒銘伊犁碑文一通

阿奇木伯克衙署一所

伊什罕伯克衙署一所

糧員衙署一所

倉廩一所與糧員衙署俱在伊犁河北岸距寧遠城八里

山川

額林哈必爾罕山在惠遠城東北四百餘里乾隆

二十二年大軍再定伊犁將軍兆惠由此進兵

阿布喇勒山在惠遠城東二百餘里俗名獨山子

為將軍班第叅贊大臣鄂容安雙烈殉節處

博羅布爾噶蘇山在惠遠城東二百一十里乾隆

二十三年將軍兆惠由博羅布爾噶蘇副將軍富

德由賽里木淖爾分兩翼合圍會於伊犁搜捕厄

魯特之潛匿者兆惠所經蓋即此山及博羅布爾

噶蘇水側也

哈什山在惠遠城東北三百餘里由山迤東為官

兵演圍之所哈什河從此流出惠遠城五十里至沙喇托海又六十

里至濟爾哈朗又五十里至塔什鄂斯坦又五十

里至博羅布爾噶蘇又六十里至蘇布台又六十

里至額琳莫多又九十里至吉爾瑪泰又六十

里至齊爾納托海又二十里至巴爾加圖是為

第一圍又二十里至哈喇果勒為第二圍又五

至烏里雅蘇圖為第三圍又十里至哈普齊克布

董為第四圍又十里至哲庫布董為第五圍又十

五里至阿爾斯明圖布董為第六圍又五里至哲

里莫多為第七圍又五里至阿木爾莫多為第八

圍又十里至圖爾根察罕烏蘇為第九圍又六

里至阿爾沙圖察罕烏蘇為第十圍即底

層也其山陰則屬庫爾喀喇烏蘇境矣

崆郭羅鄂博山在惠遠城北三十餘里山產煤

塔勒奇山在惠遠城北九十里乾隆二十年北路

大軍由波羅塔拉越此山之嶺進剿嶺險峻如關

谷中林木茂密俗呼為果子溝嶺下出泉匯為大

河徑流谷中往來者分繞水之東西自松樹頭至

山口凡橋四十二座

庫庫托木達巴罕在惠遠城西北三百餘里

都蘭哈拉山在惠遠城西北三百里輝發卡倫北

雅爾噶圖山在惠遠城西北三百里舊套賴圖卡

倫西

亨格爾圖山在惠遠城西北三百餘里舊套賴圖

卡倫東北



哈爾圖哈喇山在惠遠城西北三百餘里崆郭羅鄂倫卡倫南

呼魯克山在惠遠城西五百餘里庫圖勒卡倫西北扎拉圖卡倫東

阿勒坦額墨爾都圖山在惠遠城西北四百餘里山之東有地名庫隴癸

在崆郭羅鄂倫卡倫外西北九十里

乾隆二十三年將軍兆惠剿叛黨昂克圖塔爾巴等四宰桑大捷於此

聖製詩有庫隴癸之戰卽其地也

薩爾塔罕山在惠遠城西北四百餘里阿勒坦額

墨爾都圖山之南

推布霍圖山在惠遠城西北五百餘里察林河之北岸伊犁河之南岸

哈升達巴罕在惠遠城西南二百里哈升水出山之陽南流

沙拉諾海達巴罕在惠遠城西南一百餘里哈升達巴罕之東

格登山在惠遠城西南五百餘里乾隆二十年大軍勦準噶爾達瓦齊結營此山巴圖魯侍衛阿玉

錫及巴圖濟爾噶爾察哈什三人率二十二卒夜

攻之破其營降六千五百騎達瓦齊逸山巔有

高宗純皇帝聖製平定準噶爾勒銘格登山之碑

伊什噶爾迪山在惠遠城西南三百餘里

畢爾巴什山在惠遠城西南四百里伊什噶爾迪山之西南

巴彥聚爾坤山在惠遠城西南四百里畢爾巴什山之西

善塔斯達巴罕在惠遠城西南八百里其西南臨特默爾圖淖爾考漢書顏師古注葱嶺云山多生葱故以名嶺今善塔斯嶺上多野葱蓋葱嶺自吉

布察克山而東爲阿喇古山又東爲喀克善山又東至阿克蘇北善塔斯殆喀克善山分支實葱嶺也

索果爾達巴罕在惠遠城東南二百十五里索果爾軍臺南二十里山產鐵回子於此採挖

阿爾台山在惠遠城東南二百餘里特克斯河北岸雪爾圖諸水周其陰

那喇特達巴罕在惠遠城東六百餘里昌曼河所自出也自此而西爲厄魯特游牧

特克斯河源在惠遠城西南五百餘里山中東北

流八百餘里由諾穆琿松山東會崆吉斯河

詳見卷一

崆吉斯河源在惠遠城東七百餘里山中西流會

特克斯河

詳見卷一

喀什河源在崆吉斯河源北由阿布喇勒山北分

二支入伊犁河

詳見卷一

博羅布爾噶蘇河在惠遠城東二百餘里

濟爾哈朗河出喀什山口流經濟爾哈朗回莊乾

隆二十二年阿睦爾撒納噶諸降夷呢嗎等作亂

將軍兆惠以孤軍駐濟爾哈朗轉戰而出

闕里沁河在惠遠城東北一百餘里南流灌漑兩

滿營屯工及巴彥岱綠營屯工地畝

東阿里瑪圖山泉在惠寧城北源出北山舊日流

為河後經灌田引水歸渠

烏哈爾里克河在惠遠城北一百餘里出塔勒奇

迤東山中

察罕烏蘇水在惠遠城西北一百餘里

西阿里瑪圖水在惠遠城西北一百二十餘里

滾壩溝水在惠遠城西一百三十餘里

霍爾果斯河在惠遠城西北一百四十餘里

策集河在惠遠城西北二百餘里

薩瑪爾河在惠遠城西北二百餘里

圖爾根河在惠遠城西北二百餘里

奎屯河在惠遠城西北三百餘里

察林河在惠遠城西南四百餘里

特穆爾哩克河在惠遠城西南四百餘里

格根河在惠遠城西南五百餘里

哈爾奇喇河在惠遠城西南五百餘里

沙喇雅斯河在惠遠城西南四百餘里

達布遜淖爾在惠遠城西南三百里

察布察爾河在惠遠城東南二百餘里引爲渠溉

洋薩爾及銅廠回莊

伊犁河經惠遠城南半里許詳見唐書言西突厥

分其部爲二以伊列水爲界又顯慶二年以蘇定

方爲伊麗道行軍總管伊列伊麗卽伊犁之訛

賽里木淖爾在惠遠城東北二百餘里塔勒奇嶺

之北周三百餘里四周皆大山其北山後有地名

波羅塔拉水草豐茂土地平曠乾隆二十二年阿

睦爾撒納自哈薩克潛入伊犁會諸賊於此欲自

立爲汗蓋舊爲準噶爾游牧今爲察哈爾游牧

壇廟祠宇

萬壽宮在惠遠城北門內乾隆三十一年建門前恭勒  
高宗純皇帝聖製土爾扈特全部歸順記碑文一通又  
聖製優恤土爾扈特部衆記碑文一通

社稷壇在惠遠城南門外嘉慶九年將軍松筠

奏言伊犁自乾隆二十九年建立城垣後山河廟宇  
歷經載入祀典春秋致祭惟

社稷尙未建有壇壝伏思社以報功稷以祈穀現在伊  
犁八旗新開地畝疏濬水渠近已漸有成規年來  
春雪過大恐妨農事曾於城南門外潔淨處所築  
壇祈禱幸得夏日暢和八旗綠營回子屯畝咸登

豐稔本年二麥現已登場秬稻亦已結實可卜有

秋合無仰懇

聖恩准照各省地方建立

社稷壇載入伊犁祀典庶可隆祈報而垂永久等因具  
奏奉

硃批該部議奏欽此當經禮部議則例內載凡直省府州  
縣各擇爽塏之地建

社稷壇均北向歲以春秋仲月上戊日爲民祈報等語  
今該將軍奏稱伊犁八旗新開地畝疏濬渠水近  
已漸有成規請照各省地方立

社稷壇春秋祈報以隆祀典應如該將軍所請建立所  
有春秋致祭祭品儀注均如各省致祭

社稷壇之例辦理其致祭應用銀兩照例咨報戶部核  
銷奉

旨依議欽此嗣禮部咨開祭文儀注其祭文曰惟

神奠安九土粒食萬邦分五色以表封圻育三農而蕃

稼穡恭承守土肅展明禋時屆仲春秋敬修祀典庶

九九松柏鞏磐石於無疆翼翼黍苗佐神倉於不

匱尙饗每年春秋譯用清字祝文其儀注曰致祭時豫陳祭品

每神位前各帛一劔二簋二簋二邊四爵三共羊

一豕一尊一祭日雞初鳴承祭官以下咸朝服齊

集本地仍常服黎明贊引禮生二人引承祭官詣盥洗

所盥洗通贊禮生贊執事者各司其事贊引者引

承祭官至階前拜位立引班禮生二人分引陪祭

官文東武西各就拜位序立乃迎神贊引者引承

祭官升壇詣香案前司香跪奉香承祭官三上香

復位行三跪九叩禮陪祭各官皆隨行禮奠帛初

獻爵司帛奉篚進跪奠篚司爵奉爵進爵奠正中

皆退司祝禮生至祝案前跪承祭官暨陪祭各官

皆跪司祝者讀祝畢詣神位前跪安於案叩如初

退承祭官暨陪祭各官行三叩禮亞獻爵奠於左  
終獻爵奠於右均儀如初獻乃徹饌送神承祭官  
行三跪九叩禮陪祭各官皆隨行禮司祝奉祝司  
帛奉帛恭送座所承祭官轉立拜位西旁東面候  
祝帛過復位引至望座位望座贊禮告禮成引退  
衆皆退

先農壇在

社稷壇北嘉慶十年咨部捐建禮部咨開祭文曰惟  
神肇興稼穡粒我蒸民頌思文之德克配彼天念率育  
之功常陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹承彛章聿修祀事惟  
願五風十雨嘉祥恒沐於神麻庶幾九穗雙歧上  
瑞頌書於大有尙饗譯用清字每年致祭如祭

社稷壇之儀並行耕藉禮

山川於教場望祭乾隆二十五年辦事大臣阿桂  
奏祀伊犁之格登山額林哈必爾罕山伊犁河三處  
請頒祭文香帛奉

旨著照所請每年春秋致祭外應用祭文香帛等物該部  
照例頒發欽此二十八年正月奉

旨博克達格登等山現在每年俱有祭祀伊犁一帶山河

並未致祭嗣後所有伊犁等處應祭山河每年均著一

體祭祀欽此博克達係烏魯木齊所祀山名是年二月將軍明瑞遵

旨將伊犁一帶應祭山河陸續擇日致祭並將山河名目

另片呈

覽請以每年應用祭文香帛等物照例頒發奉

旨著照所請行欽此另片所開致祭山河名目 崆郭羅鄂博隨祭阿瑪圖河 阿喇刺勒

山隨祭哈什河 崆吉斯河 阿勒坦額墨爾都圖 山隨祭薩瑪爾策集河 奎屯河 塔勒奇山隨 祭賽里木淖爾察罕 烏蘇河 霍爾果斯河嘉慶七年奉

上諭禮部奏伊犁春秋致祭格登山等處山河乾隆二十

六年二十八年原頒祭文十六道應否增改請旨遵行

一摺仰惟

皇考高宗純皇帝平定新疆版圖式廓懷柔河嶽祀典昭

垂自應億萬年遵守原文用彰偉烈所有前頒祭文內

原書

朕字俱敬謹改書

高宗純皇帝尊稱其餘字句概毋庸更改該部即行文伊

犁將軍永遠欽遵入於交代其烏魯木齊等處亦照此

畫一辦理欽此伊犁凡正祭隨祭山川共一十六處

格登山正祭其文曰惟



神位正金方勢崇西極鎮準噶爾之全邦  
導岡底斯之羣峯丕宣氣化職方未載乃應運而  
服懷柔王會成圖早報功而行刊旅從龍在望報  
饗宜虔

高宗純皇帝綏定遐荒削平大漠負陰抱陽之類莫不尊  
親出雲降雨之司咸同覆載維格登山之雄峙環  
伊犁河以高騫地險爰標神功攸懋在奪壘擒生  
之日助王旅以宣威溯磨崖紀績之辰翼

天庥而效順作屏遠服載揚赫濯聲靈考制名山用展廢  
縣典物謹先期而諏吉俾時享而薦馨康我邊陲

永秩春秋之祀表茲絕域式垂山海之經雉譯咸  
通鴻圖常固聿將芬苾庶克歆承 額林哈必爾

罕山正祭其文曰惟

神保障遐方奠基西土層巒內拱在漠南綏靖之前  
協氣遙迎朔閭外奮揚之日逐飛廉於塞外八公  
之草木皆兵示象鼎於寰中九牧之神姦悉化輯  
寧有地報享宜頌

高宗純皇帝底定荒陬乂安絕域懷柔所及龍堆盡列於  
版圖撫馭攸加月窟咸通於聲教叛酋潰竄頭屢  
觸於不周勝旅先登尸遂陳夫貳負稽膚功之迅

奏實靈效之克彰用奏明禋永垂嘉典峙金方而  
作鎮著神功於華嶽以西表翠嶂以爲屏秩祀典  
於流沙之外尙期出雲降雨遠敷惠澤於邊疆惟  
茲酌醴牽牲敬念普存於民力神其來格鑒此苾  
芬 伊犁河正祭其文曰惟  
神洪源遠濬沛澤旁敷作襟帶於允方朝宗有本協  
盈虛於坎德用涉咸昭境過渠搜遐控流沙而外  
地連越匿舊傳伊列之名環絕域以含滋亘平垣  
而布潤效靈不爽錫典宜優

高宗純皇帝撫馭寰輿救寧荒徼定準噶爾之全部剗木

遙通俘厄魯特之名王恬波共慶惟茲巨川之利  
濟實當大漠之奧區聲教所宣懷柔悉協溯昔六  
師飛渡旣彰孚佑之休後來千耦興屯益普灌輸  
之利典隆秩祀儀肅祠官頒制帛以孔虔練吉辰  
而肇舉春秋將事萬世宏漸被之規牲醴薦馨諸  
藩享澄清之福尙希昭格來享苾芬 崆郭羅鄂  
博正祭其文曰惟

神鍾靈地絡分脈天山南眺伊犁與塔勒奇以並峙  
西通葱嶺鎮衛拉特以稱雄符良德以安敦助宣  
元化臨允方而聳拔夙著神威沙暖草肥洵真靈

之祕宅巒環谷抱實絕域之奧區

高宗純皇帝拓地烏孫洗兵魚海單于繫頸三捷成掃穴  
 之勳貳負陳尸列戍息傳烽之警選重臣以留鎮  
 度沃壤以興屯久恢一統之模永秩百神之祀曩  
 者籌邊五夜曾識聚米之形後來刊旅九山長作  
 維屏之固迺咨祠部載練吉辰典禮肇稱薦馨香  
 以昭格懷柔式應配嶽鎮以尊崇補山海之圖經  
 傳於異禩表渠支之疆域綏我邊黎用奠清尊永  
 垂鴻祐 阿里瑪圖河隨祭其文曰惟  
 神德洽盈虛功資灌溉屬塔勒奇之左幹帶水分流

環海穹克之西偏平沙交錯涵濡嘉植千林呈離  
 實之英廻抱長川萬井沐滋培之益地靈克効祀  
 事孔將

高宗純皇帝既顯武功用敷文命東風受吏聿彰柔遠之  
 謨溟海來王共協安瀾之慶緬神功之布潤蔚物  
 產之含滋秋實春華平衍溥自然之利濟川作楫  
 利涉占攸往之宜典在祠官祇申歲祀錫鴻儀於  
 望秩肅薦馨香答靈貺於元冥永登俎豆春秋勿  
 替昭鑒在茲 阿布喇勒山正祭其文曰惟  
 神秀甲金方勝標玉塞崇岡起伏從葱嶺以分支疊

嶂峻嶒環烏孫而作鎮近通喀什遠控伊犁納喇  
特峙其陽翠屏儼對崆吉斯繞其左碧水如環緬  
靈異之夙傳宜馨香之式薦

高宗純皇帝丕昭武畧戡定遐荒昧谷之西遣亥章以測  
日輪臺以外駐戍已而開屯乃眷名山實稱福地  
犁庭露布久徵默佑之功觸石雲興允著懷柔之  
效緬版章之式廓怙沙磧之永甯嘉貺畢臻明禋  
肇舉刊旅未詳於禹貢始知聚會有期庶縣載考  
夫周官益信報功不爽春秋望秩瞻峻極於北庭  
風雨和甘垂祐庥於西海自今以始申錫無疆

喀什河

隨祭

其文曰惟

神澤沛金方靈昭坎德匯特克斯而共注衆派同歸  
經固勒札以分流平原獨沃淵澄方折記玉水之  
潏洄績著安瀾靜銀波之浩淼効靈不爽錫典宜  
隆

高宗純皇帝撫定遐陬收寧荒服塞烟隴月駐細柳以開  
營雪浪波風挾飛隄而競渡舊賴斯河之天險益  
慶有永之波恬粵稽嵬鹿名州益增式廓久布沈  
狸令典用妥神明康我邊陲永秩春秋之祀綏爾  
藩部共歌清宴之庥肅此苾芬尙其昭格 崆吉

斯河隨祭其文曰惟

神洪源遠布遐澤旁敷潤西域之神臯灌輸攸賴隸北庭之都護耕牧稱繁巨嶺東來東岡巒之蜿蜒大河西折作襟帶於伊犁環沙漠以揚流効地靈而播德含茲有慶命典聿昭

高宗純皇帝撫恤羣藩削平諸部百靈効順張雷動之六師庶彙咸昌興雲屯之千耦惟茲巨川之利濟實為神爽所式憑在昔飲馬長流澄波既慶即今列屯濛汜渥澤均沾特肅祠官載隆望祀屆春秋而將享丕昭漸被之麻練時曰以潔蠲克濟懷柔之

福承茲永秩式此居歆 阿勒坦額墨爾都圖山

正祭其文曰惟

神鎮定邊隅奠寧朔漠東接格登之險疊嶂岩巖南通莎嶺之雄堆雲峭崿坤元叶吉色偏應乎乾金艮止長安位乃居於坎水洵伊犁之保障宜禋祀之優崇

高宗純皇帝撫恤準夷綏來藩部自古職方有典未服懷柔於今王會久圖如親刊旅惟此山之雄峙為絕域之殊觀襟帶環流束銀濤於策集屏藩拱列連碧巘之和羅掌在祠官用頒制帛牲牢具備遙申

徧望之誠俎豆維馨永著庶縣之典神其來格鑒

此明禋 薩瑪爾河 隨祭 其文曰惟

神靈源夙著渥澤常濡居額蘇克之上游衍伊犁河  
之別派遙岑北拱萬疊雲連大水南環千條練瀉  
亘神臯而利濟滋絕域以含膏奠彼廻瀾昭茲秩  
祀

高宗純皇帝誕敷文德式廓輿圖輯部落於荒陬功惟作

潤軫羣黎之日用期以飲河惟坎功之用涉咸昭  
斯戎校之開屯有藉秩專官以致享典肅春秋酬  
靈貺而告虔吉諏辛甲奎屯上下永恢聲教之隆

策集東西共受明禋之賜神其昭鑒薦此椒馨

策集河 隨祭 其文曰惟

神導源西極疏派北庭抱巖谷以奔趨莫禦激湍之  
勢溉土田而衍沃聿宏潤物之施細浪翻銀脈絡  
遙連乎察罕長虹飲練尾閭下注乎伊犁禹迹未  
通靈境軼大荒經外堯封既拓嘉名補王會圖中  
高宗純皇帝撫育寰區救寧邊徼武功丕振全收葱嶺之  
河屯政肇修遠引蒲昌之海惟名川之用涉宜昭  
報之有加承坤德以流甘位兌維而布潤往歲六  
軍飲馬式彰呵護之靈長茲重譯欵關胥受懷柔

之化爰崇明祀致肅所司陳璋邸以升馨潔彝尊  
以致告澄波淼淼永環都護之城流水泱泱遙繞  
祁連之嶂益徵靈貺尙鑒精誠 奎屯河隨祭其文  
曰惟

神衍派天山導源月窟湛然無滓性殊湯谷之温注  
焉不盈德比寒泉之食波成紋而曲折下注伊犁  
水如境以澄明近隣策集功惟潤下勢欲朝宗洵  
神應之聿昭宜吉蠲之罔替

高宗純皇帝并包九寓戡定二庭路逾弱水之西壬鈐遠  
授地盡河源之外戊校新屯乃司都護之臣肇舉

名川之祀穿渠引水灌溉之利攸資剡木乘桴濟  
涉之功尤遠自古販章未闢不登立本之圖久茲  
中外爲家合補酈元之註清醪載酌制帛爰陳康  
我塞元永作渠搜之襟帶昭茲功德長歆嗣歲之  
馨香式薦苾苾庶希鑒格 塔勒奇山正祭其文曰  
惟

神保障金方安敦兌域南屏拱抱沿山之鄂博星聯  
北渚廻環傍水之謨多錦簇源泉有本開一鑑於  
峯頭烟火相望聳孤城於遙岸形勢冠諸絕域典  
物錫以隆文

高宗純皇帝遠服咸賓西戎卽敘壺漿載道受藩長之來  
 降旗鼓分馳擒叛臣之往竄默孚神貺迅奏膚功  
 設百雉之雄關弓懸新月導雙流之谷口馬飲清  
 泉夙列戾縣用申望秩屆春秋而頌帛慶雉譯之  
 咸通諏辛甲以薦馨保鴻圖之常固尙其昭鑒永  
 克歆承 賽里木淖爾隨祭其文曰惟  
 神坎德宣昭蒙泉濬發自塔勒奇之峻嶺靈派遙分  
 爲厄魯特之名川羣流交匯晴波朗澈作襟帶於  
 烏孫巨浪安恬慶澄清於蒲海佐坤元而布化亘  
 沙磧以含滋允協懷柔宜崇昭報

高宗純皇帝撫綏遠徼耆定豐功績紀犁庭勒石格登之  
 嶂威行破竹洗兵伊麗之河惟式廓之不增實有  
 神之默相稽秣馬龍堆之日効順而助國威泊屯  
 田雁塞之年流潤以滋土脈用展淨沈之典庶期  
 盼蠶之通玉帛載陳春秋勿替興雲有滄萬頃溥  
 灌溉之功鼓棟造行諸藩効朝宗之願有感而必  
 應用康濟乎塞垣源遠則流長永馨香於奕世式  
 惟國典時乃神庥 察罕烏蘇河隨祭其文曰惟  
 神敷澤遐方分流絕徼波心澄澈鋪一片之白銀天  
 色空明映千層之素練沃野則霍集格爾繡壤毗



連遠峯則哈喇姑顏翠屏環抱湖源有自利涉攸資

高宗純皇帝統馭八紘昭宣七德設候流沙以外載拓堯封洗兵瀚海之西遠恢周索神効靈以徯應天助順而成功惟茲察罕之川近在伊犁之域溯王師之渡漠相底宏勳洎都護之屯田溥茲美利土膏滋液應坎德以濟生民水氣和甘徧兌方而宣渥惠爰稽故典載肅常禋奠玉帛以孔虔秩春秋以致告吉蠲將事列四瀆之崇班盼饗丕昭錫千秋之繁祉庶希鑒格永祚塞垣 霍爾果斯河隨其

文曰惟

神德配元冥位居兌澤播土膏之沃衍利濟咸昭潤絕域之奧區盈科有漸達洪波而遠邁直接伊犁滙眾派以支分近聯策集溯靈源之溥博錫祀典以輝煌

高宗純皇帝康乂西陲蕩平朔漠翦準噶爾之餘孽勢失負隅倖渥赭特於重圍計窮飛渡惟神功之設險乃小醜之削平穹廬傳鶴唳而先驚逆酋亡命土馬挾風濤而俱迅王旅奮威久修典禮於祠官用薦馨聞於望秩尙其昭鑒將以苾芬 春秋皆譯用清字

風神廟在惠遠城西門外乾隆四十年建

火神廟在惠遠城北門內乾隆五十七年建

文昌宮在惠遠城東門內舊有

文昌閣因閣當街衢礙難祭祀嘉慶十年將軍松筠

就閣西北改建

文昌宮以舊閣祀

魁星

關帝廟原在惠遠城北門內乾隆五十七年將軍保

寧

奏改

真武廟移建

關帝廟於西門大街

欽頌額曰神佑新疆聯曰春秋志在威名遠戍已屯開廟

貌崇

城隍廟在惠遠城北門內乾隆四十年建

龍王廟在惠遠城南門外乾隆四十年建

八蜡廟在惠遠城鼓樓東乾隆三十二年建

劉猛將軍廟在惠遠城鼓樓西乾隆三十二年建

喇嘛寺乾隆二十七年初建於綏定城三十二年

將軍阿桂

欽定大清會典事例 卷四  
奏移建惠遠城東門外河岸

賜名普化寺

祠堂在惠遠城北門內乾隆三十一年將軍明瑞  
奏建祀前定北將軍領侍衛內大臣兵部尙書誠勇  
公班第前叅贊大臣內大臣兩江總督勳勤伯鄂  
容安

欽賜額曰漠陲競烈三十二年將軍阿桂

奏准以前將軍領侍衛內大臣雲貴總督兵部尙書  
一等誠嘉毅勇公明瑞入祠四十二年將軍伊勒  
圖

奏准以前將軍太保大學士鑲黃旗滿洲都統諡文  
襄舒赫德入祠五十四年將軍保寧

奏准以前將軍太子少保領侍衛內大臣兵部尙書  
一等伯諡襄武伊勒圖入祠嘉慶三年將軍保寧  
奏准以前將軍

御前大臣太保大學士領侍衛內大臣誠謀英勇公諡  
文成阿桂入祠十三年將軍松筠

奏准以前將軍

御前大臣太子太保大學士領侍衛內大臣世襲義烈  
公諡文瑞保寧前將軍

御前侍衛理藩院尙書成都將軍世襲承恩公博翁武

巴圖魯謚武毅奎林入祠

節孝祠在惠遠城東北隅嘉慶十二年將軍松筠

查照會典建立先是嘉慶四年六月將軍保寧審

辦土爾扈特家奴三吉強姦主母孀婦伯克木庫

一案奉

上諭據保寧奏土爾扈特家奴三吉將伊主母孀婦伯克木庫強姦因伯克木庫不從三吉卽將伊主母頸骨扭折殞命將三吉照例卽行凌遲處死等語土爾扈特三吉意欲強姦伊主母孀婦伯克木庫因伯克木庫不從

膽敢起意將伯克木庫頸骨扭折以致殞命焚房逃走甚屬目無法紀淫惡已極保寧審明將三吉卽行凌遲處死辦理甚當但內地凡有旗民人等因姦以致盡節殞命者例應奏明旌表伯克木庫係一索倫婦人卽知大義至死不從殊屬可嘉自應旌表凡新疆各部落人等遇有此等者有無旌表之例保寧摺內並未聲敘明白如有旌表之例保寧爲何遺漏並未一併聲明具奏若無比例亦當照內地一體旌表敦厚風俗以慰盡節幽魂著永爲定例其伯克木庫著照此例旌表欽此是年九月將軍保寧查明伊犁駐防滿洲錫伯綠營

兵丁之孀婦內守節已屆年限者

奏請照內地一體旌表奉

旨所奏甚是中外之人皆係朕世僕理宜一體施恩著即照保寧所請行欽此嗣准禮部咨開今屆行查之期所有應請

旌表之節婦除因夫受過

封典者毋庸開造外其有三十歲以內守節婦人年至五十及年逾四十而身故計其守節已歷十五年並未婚貞女與例相符或未符而身故者俱應

旌表八旗內該叅佐領等加結申送該都統各省駐防

亦由該叅佐領等申送該將軍都統副都統嚴加確核造具清冊注明並無再醮違例字樣務於八月以前徑送本部核辦又准禮部咨開伊犁將軍保寧題請滿營節婦應

旌表俟

命下之日地方官給銀三十兩聽本家自行建坊其節孝

祠中設牌之處查照定例遵行自此歷年遵辦嘉

慶五年報部者惠遠城四十人

蘭泰之妻王佳氏 步甲巴常阿之妻敖佳氏 步甲塔 候補筆帖氏富增阿之妻伊爾根覺羅氏 馬甲 根保之繼妻吳札拉氏 馬甲色克圖之妻李佳 氏 馬甲德常之妻楊佳氏 馬甲東果爾之繼

欽定新編

卷四

七

妻伊爾根覺羅氏 前鋒班達爾什之妻 馬甲沙金泰之妻 富佳氏 馬甲三常之妻 章額之妻 烏玉特氏 十八之妻 富察氏 十九之妻 舒松額之妻 羅氏 馬甲烏凌阿之妻 宋泰永之妻 李蘭泰之妻 業格勒氏 原任協領赫僧額 馬甲薩爾德阿之妻 寧佳氏 甲六十八之妻 楊桂氏 馬甲仙寶之妻 吳佳氏 甲六十八之妻 楊桂氏 甲德瓜勒之妻 納之妻 伊拉里氏 馬甲舒明阿 之妻 瓜勒之妻 氏 馬甲盛德之妻 喬佳氏 馬甲 明安泰之妻 楊佳氏 步甲明保之妻 韓佳氏 馬甲 羅特氏 妻 萬步之妻 杭阿太氏 馬甲富明 阿之妻 章佳氏 馬甲七十六之妻 章佳氏 馬甲 甲更音布之妻 李佳氏 馬甲永魁之妻 瓜勒佳 氏 步甲薩泰之妻 宋佳氏 馬甲永魁之妻 瓜勒佳 德之妻 李佳氏 馬甲德寧之妻 姚佳氏 惠寧城

二十六人

馬甲富長阿之妻 李佳氏 馬甲前保 氏 馬甲西金太之妻 馬甲舒長之妻 富查氏 馬甲 繼妻 瓜勒之妻 金佳氏 馬甲舒長之妻 富查氏 佛爾青俄之妻 金佳氏 馬甲舒長之妻 富查氏 氏 馬甲吉爾張阿之妻 肖佳氏 馬甲美格之 妻 爾武氏 馬甲爾多林之妻 吳由特氏 馬甲 札布尙阿之妻 達爾噶特氏 馬甲素明阿之妻 寧阿之妻 柯爾里氏 馬甲吳由特氏 馬甲 勒佳氏 妻 瓜勒星保之妻 伯于特氏 馬甲 家保之妻 瓜勒星保之妻 伯于特氏 馬甲 素氏 養育兵齊林之妻 桃佳氏 壯丁富朱里 之妻 納木都魯氏 壯丁善清阿之妻 瓜勒佳氏 馬甲 馬甲保永之妻 德都里氏 馬甲正家保之妻 西 克德里氏 壯丁善清阿之妻 瓜勒佳氏 馬甲 永興之妻 錫伯營四人 披甲碩倫之妻 果爾 趙弩特氏 披甲老格之妻 瓜勒 六年報部者 惠 烏札拉氏 披甲長保之妻 吳佳氏 勒 氏 披甲老格之妻 吳佳氏 六年報部者 惠

遠城六人 破手富森布之妻白佳氏 馬甲畢拉岱之妻康佳氏 委前鋒小旗布章阿之妻王佳氏 防禦代明阿之妻舒穆爾佳氏 馬甲長善保之妻瓜勒氏 惠寧城七人 馬甲舒倫布之妻托霍爾齊氏 馬甲吳爾當阿之妻何舍哩氏 馬甲成官保之妻何舍哩氏 領催賁巴之繼妻沈佳氏 馬甲赫紉俄之妻齊樂特氏 馬甲德曾之妻伊特木氏 馬甲阿魯氏 爾紉阿之繼妻納木都魯氏 七年報部者惠遠城二人 馬甲額爾登布之妻瓜勒氏 惠寧城二人 朔隆烏之妻殷佳氏 壯商民一人 高滿良之妻高黃氏 丁連福之妻卓卜扈特氏 馬甲托錦之妻李佳氏 年報部者惠遠城五人 馬甲海桑阿之妻王氏 馬甲札什之妻陳佳氏 前鋒校丁柱 惠寧城五人 之妻董佳氏 馬甲赫紉額妻何佳氏 惠寧城五人 人 馬甲烏林德之妻富察氏 馬甲黑格之妻吳佳氏 馬甲萬靈保之妻吳木特氏 馬甲赫

德之妻吳由特氏 馬甲烏 九年報部者惠遠城 爾清阿之妻伊爾根覺羅氏 十八人 間散蘇札布之妻烏佳氏 馬甲雙魁之妻馬甲富格之妻托霍爾吉氏 前鋒都隆阿之妻杭噶泰氏 馬甲蘇當阿之妻富佳氏 前鋒 佛爾圖之妻聶佳氏 馬甲阿之妻富佳氏 前鋒 妻楊佳氏 馬甲德泰之妻間散克什克特依之 馬甲烏林泰之妻瓜勒佳氏 間散舍靈阿之妻 李佳氏 馬甲達春保之妻伊爾根覺羅氏 之妻 甲挖金泰之妻唐佳氏 步伊爾根覺羅氏 氏 間散納斯圖之妻丁氏 惠寧城八人 前鋒額勒京額之妻楊佳氏 惠寧城八人 之妻吉木忒氏 馬甲舒善之妻瓜勒佳氏 興太 甲登格之妻陶佳氏 馬甲七十九之妻陳佳氏 奇塔拉氏 馬甲阿之妻瓜勒佳氏 馬甲德順之妻 巴雅爾圖之 十年報部者惠遠城四十九人 協德 妻趙佳氏

之妾張氏 馬甲吉靈阿之妻瓜勒佳氏 馬甲黃狗之  
花吉泰之妻那佳氏 馬甲成保之妻額爾氏 馬甲那木  
氏顏氏 馬甲桑安泰之妻保之妻張佳氏 馬甲鄂沁  
札布之妻張珠太之妻拜依特氏 馬甲拉氏 馬甲明福  
氏布拉吉特氏 前鋒爾根覺羅福之妻那拉氏 馬甲  
和氏 前鋒馬家保之妻司特氏 馬甲瓜勒佳氏 馬甲  
佳氏 前鋒里氏 馬甲烏雲保之妻瓜勒佳氏 馬甲  
妻索綽里氏 馬甲順太之妻瓜勒佳氏 馬甲雅爾布之妻  
甲順太之妻瓜勒佳氏 馬甲順太之妻瓜勒佳氏 馬甲  
佳氏 領催霍寧阿之妻伊德氏 前鋒伍蘭布之妻張  
妻樊佳氏 前鋒小旗烏林德之妻博爾吉圖氏 馬甲  
勒佳氏 前鋒校舒林太之妻烏佳氏 馬甲保之妻孟氏  
舒保之妻佟佳氏 前鋒康保之妻瓜勒佳氏 馬甲  
甲七十八之妻李氏 前鋒泰寧之妻瓜勒佳氏 馬甲  
瓜勒佳氏 馬甲豐申布之妻李氏 馬甲伊都里之妻  
瓜勒佳氏 馬甲百壽之妻馬佳氏 馬甲伊都里之妻

葛之妻陳氏 馬甲薩蘭太之妻于佳氏 馬甲  
四十三之妻范氏 前鋒蘇章阿之妻白佳氏 馬甲  
前鋒惠太之妻瓜勒佳氏 前鋒三神保之妻張佳氏 馬甲  
木特里氏 前鋒瓜勒三神保之妻張佳氏 馬甲  
清阿之妻聶占之妻張佳氏 馬甲富寧之妻齊布蘇  
保沁氏 馬甲富德之妻章佳氏 馬甲富寧之妻齊布蘇  
之妻潘佳氏 馬甲崇德之妻章佳氏 馬甲富寧之妻齊布蘇  
烏林圖之妻 惠寧城二人 前鋒英善之妻額卓氏  
烏爾古齊氏 惠寧城二人 前鋒英善之妻額卓氏  
特十一年報部者惠遠城四人 瓜勒佳氏 布散  
清善之妻鈕祜祿氏 步甲德克精額之妻 惠寧城  
妻馬佳氏 馬甲大善之繼妻博爾吉特氏 十二年報部  
二人 馬甲祿善之繼妻博爾吉特氏 十二年報部  
者惠遠城四人 馬甲永安之妻伊拉里氏 步甲  
柱之妻王佳氏 馬甲惠寧城二人 馬甲富明阿  
賚尙阿之妻瓜勒佳氏 馬甲惠寧城二人 馬甲富明阿

欽定所置城畧 卷四



氏之妻薩麻爾氏披甲十三年報部者錫伯營一人舒舒

斯哈哩氏胡商民一人郭德之妻十四年報部者惠

遠城二人前鋒元寶之妻定佳氏披甲惠寧城一人

馬甲鄂勒金布之錫伯營一人披甲七十之十五

年報部者惠遠城三人前鋒校富云布之妻葉赫

莽努特氏馬甲福惠寧城二人馬甲阿郎阿之

和亮之妻李佳氏馬甲錫伯營一人閒散札木素十六

伊爾根覺羅氏馬甲年報部者惠遠城二人步甲呢音珠太之妻瓜勒

舒覺惠寧城五人委前鋒善德之妻朱魯特氏委

羅氏前鋒葉布肯額之妻瓜勒佳氏馬甲百齡之錫

妻舒穆魯氏馬甲豐申額之妻拜牙里圖氏錫

伯營一人披甲祿德之十七年報部者惠遠城三

人之妻堂佳氏馬甲奇景太之妻馬佳氏惠寧

城六人阿之繼妻納阿之妻趙佳氏馬甲塔清

達爾氏馬甲碩登阿之妻王佳氏馬甲福十

星之妻卓特氏領催舒明阿之妻烏色氏披甲十

八年報部者惠遠城三人馬甲長安之妻葉格氏

唐佳氏馬甲海惠寧城三人馬甲花善保之妻

隆阿之妻何佳氏馬甲錫伯營一人披甲噶

騰額之妻瓜勒佳氏馬甲費彥吉善之妻楊呢雅氏披甲圖

之妻汗十九年報部者惠遠城二人閒散六十三

馬甲七克騰馬甲惠寧城三人馬甲柯星額之妻瓜

之妻石佳氏馬甲錫伯營二人披甲巴雅爾

布之妻瓜勒佳氏領錫伯營二人披甲賚佳氏

催黑星保之妻同吉氏領錫伯營二人披甲賚佳氏

披甲托云太二十年報部者惠遠城五人  
阿常之妻赫爾爾氏 前鋒小旗烏勒登額之妻烏佳氏 阿之妻唐佳氏 蘇勒芳阿之妻瓜勒佳氏 保之妻愛新舒舒氏 馬 惠寧城三人 馬甲來哥 甲錫新泰之妻李佳氏 馬 委前鋒封生俄之妻薩克達氏 二十一年將軍

松筠

奏言伊犁索倫營左翼四旗官兵等俱各蓋莊房同

達虎爾一體種地自耕自食迥非游牧可比其內

現有孀婦守節已屆年限請同錫伯孀婦一體

旌表奉

旨該部議奏欽此旋經議准施行是年報部由錫伯移駐

者一人馬甲金德之妻和英氏 索倫營十一人馬甲愛屯之妻莫爾第音氏 驍騎校堤普

氏 馬甲博勒狼保之妻敖拉氏 馬甲保音保之妻

柯勒圖之繼妻莫爾第音氏 馬甲保音保之妻

莫爾第音氏 馬甲巴屯察之妻圖克敦氏 馬

甲薩林大之妻敦拉氏 馬甲拂林保之妻果布

勒氏 馬甲噶察之妻敖拉氏 領催交保之妻

敖拉氏 馬甲愛崇阿之妻倭勒氏 馬甲阿木

齊古勒之妻都拉氏

軍臺

軍臺處管理發遞公文摺報在惠遠城西門內應

差滿營兵十名精河綠營兵四名無額設車馬其

馬匹由八旗調取

沙喇布拉克臺伊犁未建惠遠城之先將軍參贊大臣皆駐劄綏定城故於綏定城

東北烏哈爾里克地方設立底臺嗣在惠遠城西移至沙喇布拉克安設仍舊為底臺

北七十里俗名小蘆草溝與沙喇布拉克卡倫相

近額設滿營委筆帖式一員兩滿營兵十四名錫

伯兵四名車二兩馬二十五匹牛二十隻

塔勒奇阿滿臺在塔勒奇山口內里許距沙喇布

拉克臺六十里東距塔勒奇卡倫五里額設滿營

委筆帖式一員兼管鄂博勒齊爾臺精河綠營兵十四名車

二兩馬四十三匹牛十二隻

鄂博勒齊爾臺在塔勒奇山溝內距塔勒奇阿滿

臺四十里額設精河綠營兵十四名車二兩馬四

十三匹牛十二隻

鄂勒著依圖博木臺在賽里木淖爾東岸與干珠

罕卡倫相近自臺南行折而西南沿淖爾行五十

里陟松樹頭達巴罕踰達巴罕入山溝西南行三

十里至鄂博勒齊爾臺額設滿營委筆帖式一員

兼管瑚素圖布拉克臺精河綠營兵十四名車二兩馬四十

二匹牛十二隻

瑚素圖布拉克臺在兩山間距鄂勒著依圖博木

臺八十里自此東四十里有界牌為伊犁精河交

界又東五十里為托霍木圖臺額設精河綠營兵

十四名車二兩馬四十三匹牛十二隻

以上東路軍臺乾隆二十七年辦事大臣阿桂等

奏言前者臣等奏明今秋添設額林哈必爾罕路軍

臺自精河博羅布爾噶蘇登努勒太一帶至伊犁

安設適今年二月精河運至籽種以登努勒太雪

大難行詢問熟悉路程之厄魯特人等由塔勒奇

達巴罕賽里木淖爾庫森木什克等地方運送前

來查塔勒奇達巴罕比博羅布爾噶蘇達巴罕山

路平正秋雪亦比登努勒太較少惟水大之時略

為不便而該處有噶爾丹策凌時舊橋數處雖有

損壞差人修造可以行走所有應設軍臺臣咨行  
烏魯木齊大臣卽改由塔勒奇至托里六處安設  
得

旨允行

巴圖蒙柯臺在伊犁河南岸錫伯地界距惠遠城

十五里額設錫伯委筆帖式一員錫伯兵十五戶

車二兩馬十五匹牛十隻

海努克臺在伊犁河南岸距巴圖蒙柯臺九十里

巴圖蒙克臺東南三十餘里出錫伯界入厄魯特

游牧界乾隆二十五年協同辦事大臣伊柱

奏進虎紐銅印一方在海努克地方收獲其文曰管轄厄魯特後旗札薩克印旁識雍正四年十月鑄成有

聖製詩臺迤南半里許坡上有牆垣遺址卽準噶爾銀頂

寺故基也額設滿營委筆帖式一員兼管索果爾臺厄魯

特兵十五戶車二兩馬十五匹牛十隻

索果爾臺在索果爾達巴罕北二十里距海努克臺九十里額設厄魯特兵十戶馬十五匹牛十四隻

博爾臺在索果爾達巴罕一帶山之陽距銅廠一

百里距索果爾臺八十里額設滿營委筆帖式一

員兼管霍諾海臺厄魯特兵十五戶馬十五匹牛十四隻

霍諾海臺在大霍諾海東小霍諾海西距博爾臺一百里額設厄魯特兵十五戶馬十五匹牛十四隻

特克斯臺在特克斯河南岸距霍諾海臺一百里自霍諾海臺西南行過大霍諾海水巴拜布拉克水塔塔爾虎布拉克水大哈爾罕圖水小哈爾罕圖水月爾圖水沙拉諾海水踰青石梁過哈升水哈拉烏蘇水至特克斯河北岸渡河卽特克斯臺

額設滿營委筆帖式一員兼管沙圖阿滿臺厄魯特兵十

五戶馬十五匹牛十四隻

沙圖阿滿臺距特克斯臺八十里自特克斯河岸西南行皆平川七十餘里入山山口內里許即沙圖阿滿臺自臺南行五里為天橋伊犁阿克蘇交界之所又南九十五里為噶克察哈爾海臺至水嶺之陰矣額設厄魯特兵十五戶馬十五匹牛十四隻

以上南路軍臺乾隆二十八年叅贊大臣伊勒圖奏言伊犁至沙圖阿滿七處新設軍臺臣親身照看

兵丁戶口牲畜過伊犁河按次住牧其伊犁舊軍臺全行撤回再特克斯河水勢深濶新任兵丁不諳過渡查舊軍臺有威呼一箇善於威呼之索倫兵一人可再添造威呼一箇留索倫兵一人教習兩月後熟習過渡即將索倫兵二人撤回得

旨允行

河渡

伊犁河口渡船二隻

固勒札渡船二隻

以上河渡二處俱令遣犯常川伺候以備往來行

人並南路回城運送官物隨時過渡派員稽查  
運糧船十六隻乾隆三十二年將軍阿桂以回子  
所交糧石貯固勒札倉距惠遠城九十餘里難於  
車運

奏明每旗造船二隻是年造船試運可行至三十七  
年船成每年伊犁河開後自三月起至九月底止  
由固勒札倉陸續運糧四萬石交惠遠城倉收貯  
以供支發派本城協領二員經理廢員二三員督  
同滿兵押運每年運竣官員奏明議敘兵丁賞給  
一月鹽菜押運廢員注册後因惠遠城倉貯糧石

既多間於水小之年止運二萬石餘按年具

奏有案又

奏定修船年分三年小修五年大修小修之年船工

處自行辦理其折造大修所需銀兩在房租項下

動撥報銷

造船必須榆木大料將來採伐年久大料漸少不敷成造於水運礙難辦理可

於惠遠城河南岸建設倉廩以儲大河以南回屯應交固勒札倉糧石其大河東北一帶回屯應交糧石改歸惠寧城倉固勒札倉分貯即可省水運船隻此將來不得已變通之法因附記焉

堤堰

嘉慶十二年將軍松筠

奏言伊犁惠遠城在大河北岸當年城至河岸相距

二三里歷年河水沖刷其隄岸率以柳圍絡石水  
長輒壞辦理迄無成效今河岸距城僅半里許臣  
於本年春間派委原任河道總督李亨特相度形  
勢創築挑水土壩長六十餘丈底寬七丈頂寬四  
丈迎溜築掃鑲護水至掛淤本年夏秋水發竟免  
沖刷是此項壩土實屬有益相應奏明嗣後每年  
春間責成八旗協領於旗屯收穫糧石變價項下  
撥節動用給與當差遣犯鹽菜口糧歲爲修理並  
著理事撫民兩同知稽察總司其事可期近城堤  
岸永免沖刷之患奉

硃批覽欽此



新世寶錄

